

Tulun-an 3

ANG DIOS NAGHIMO SA IMO



Tun-i ini nahanungod sa Dios.

Gintuga sang Dios ang una nga lalaki kag babayi kaangay sa Iya.

Buot sang Dios nga sila mangin anak Niya.

Ginahigugma kag ginatatap sang Dios ang Iya mga anak.

Ginhimo ka man sang Dios kag buot Siya nga ikaw mangin Iya anak.

Magamalipayon ka sa pagbuhat sang buot sang Dios nga buhaton mo.



Basaha ini gikan sa Biblia
Basaha sing mabaskog sing 5 beses.

Niyan ang Ginoong Dios naghimo sang tawo, gikan sa yab-ok sang duta kag naghuyup sa iya ilong sang ginhawa sang kabuhi kag ang tawo nangunbuhi nga kalag. Genesis 2:7.

Mabuhat mo bala ini?


Isulat ang mga letra nga wala sa sabat.

1. Ano ang gingamit sang Dios sa paghimo sang lawas sang una mga lalaki?
ang y sang d
2. Buot sang Dios nga mangin ano ka?
Iya a

Mga Sabat
1. yab-ok, duta 2. Anak

Ginhimo sang Dios ang una nga lalaki katulad Niya
Linyahi ang idalom sang mga tinaga halin sa
• tubtob sa •

Ginhimo sang Dios ang unang lalaki sa yab-ok sang duta
Ginhoypan sang Dios sang Iya kabuhi ang tawo.
Ginhingalanan sang Dios ang una nga lalaki Adam.
• Si Adam katulad sang Dios sa madamo nga paagi. •



Si Adam makapanghunahuna kag makabatyag.
Si Adam makahigugma sang Dios, katulad sang
paghigugma sang Dios sa Iya.

• Si Adam anak sang Dios. •

Ginhigugma kag gintatap sang Dios si Adam.

Ang Dios naghimo sang matahom nga hardin nga
puluy-an para kay Adam.

Gintawag Niya ang hardin, Eden.

May mahandong nga mga kahoy kag
matahom nga mga bulak.


May berde nga ulamhan kag mabugnaw nga
suba. May matahom nga mga pispis kag
mainabyanon nga mga hayop. May maayo nga
mga bunga sang kahoy para kaonon.

• Ang tanan nga butang nga ginhimo sang
Dios maayo. • Si Adam nagpuyo sa himpit.
nga kalibutan.



• Ginhatagan sang Dios si Adam sang trabaho •

Ginhatagan sang Dios sing trabaho ang iya mga kamot. Gintatap ni Adam ang matahom nga hardin. Ginhatagan sang Dios sing bulohaton ang hunahuna ni Adam; Ginhingalanan ni Adam ang tanan nga mga hayop kag pispis. Ginbuligan sang Dios si Adam nga mangin husto ang iya buluhaton. • Malipayon si Adam sa pagbuhat sang ginasing sang Dios nga buhaton niya. • Buot ni Adam nga mapahamuot ang Dios kag nabuhat niya ini.



Adlaw-adlaw nagakadto ang Dios sa hardin. Nagahambalanay ang Dios kag si Adam. Nagahigugmaanay ang Dios kag si Adam.

Maluyagan ni Adam ang maabyanon nga mga hayop. Naluyagan ni Adam ang matahom nga mga pispis. Naluyagan ni Adam ang makighambal sa Dios.

Apang si Adam may isa pa ka butang nga kinahanglan. Nahibal-an sang Dios ang kinahanglan ni Adam.

Nahibal-an sang Dios ang kinahanglanon sang Iya mga anak sa tanan nga tion. •

Pinatulog sang Dios si Adam.

Kinuha sang Dios sa kilid ni Adam ang isa ka gusok. Gikan sa gusok ginhimo sang Dios ang babayi. Ini nga babayi magabulig kag magalipay kay Adam.



Pinukaw sang Dios si Adam kag ginpakita ang babayi. Ginhigugma ni Adam ang babayi nga ginhatag sa iya sang Dios. Ginhingalanan sia ni Adam nga Eva. Si Eva nangin asawa ni Adam. Si Adam kag si Eva ang una nga mga tawo sa kalibutan.

Si Adam kag si Eva malipayon nga
nag naupod sa Eden. Ginhigugma nila ang ilaa
matanum nga puluy-an. Nagahigugmaanay sila
Ginhigugma nila ang Dios.

- Naglakat kag nagpakighambal si Adam kag si Eva sa Dios. •

**Ginhimo ka man sang Dios kag buot Siya nga ikaw
magmangin Iya Anak..**

Wala ka Niya ginhimo nga hamtong katulad ni Adam
Ginhimo ka sang Dios nga lapsag sang una.
Ginhatagan ka Niya sing amay kag iloy nga
magtatap sa imo.
Ang Dios nagahigugma sa imo katulad sang
paghigugma Niya kay Adam.
Buot sang Dios nga Siya man mangin amay mo.

Buot man sang Dios nga magmalipayon ka.

May bulohaton ka man para sa imo mga kamot kag
hunahuna. Himulati nga buhaton
sing maayo ang imo hilikuton.



Himulati mapahamuot ang Dios
katulad ni Adam.

- Magmalipayon ka sa pagbuhat sing
buot sang Dios nga buhaton mo. •

Buot mo bala nga buligan ka sang Dios sa
imo trabaho? Sauloha ini nga pangamuyo
kag ihambal sa Dios kada aga.

Pangamuyo:

Salamat Dios sa trabaho kag hampang.
Buligi ako sa akon trabaho, ginapangamuyo ko.
Buligi ako Dios nga mapahamuot ka sa sini nga adlaw.
Sa tanan nga ginabuhat kag ginahamba ko.

Karon sulati ang imo Rekord sang Estudyante para sa
leksyon 3

INTERNATIONAL CORRESPONDENCE INSTITUTE
PHIL. NATIONAL OFFICE — P.O. BOX 1084, MANILA



ANG DIOS NAGHIMO SA IMO

KALINGAWAN PARA SA IMO

Pangita-a ang larawan sang isa ka butang nga ginhingalanan ni Adan.

Linyahi gikan sa pintok numero 1 pakadto sa katapusan nga numero



Tipoloni ang husto nga sabat

- | | | | | |
|--|------|------|------|-------|
| 1. Sin-o ang unang lalaki? | Abel | Adan | Eva | Noe |
| 2. Sin-o ang unang babayi? | Eden | Adan | Eva | Abel |
| 3. Ano ang ngalan sang hardin? | Adan | Eva | Eden | |
| 4. Luyag mo bala magtrabaho? | Huo | indi | kon | kaisa |
| 5. Nagapangayo ka bala sang bulig sa Dios? | Huo | indi | kon | kaisa |
| 6. Ginapamuot mo bala ang Dios sa imo trabaho? | | | Huo | indi |

Sabta Ining Mga Pamangkot

7. Malipayon bala ukon nagakasubo si Adan sang ginabuhat
Niya ang ginpabuhat sang Dios sa iya?
8. Magakalipay ka bala ukon magakasubo kon ginabuhat
mo ang ginapabuhat sang Dios?
9. Ano ang sari sang hilikuton nga ginabuhat mo?
-

May kopya ka bala sang Biblia, ang Libro sang Dios?

Ukon bahin lang sang Biblia?

Kon may Biblia ka ginabasa mo bala ini adlaw-adlaw?

Mga pamangkot, panugdaon, palangamuyo-an:

Isulat kon may mga pamangkot, ukon panugdaon ka sa mga tulun-an ukon ano
man nga gusto mo pangamuyuan sang imo manunudlo

.....

.....

Ginbuhat mo bala ang tanan sa sini nga leksyon?

Tan-awa ang mga pahina sang imo “Rekord sang Estudyante para sa leksyon 1,
2, 3, kag siguroha nga nasabat ang tanan nga pamangkot. Ipadala sa ICI Philip-
pine National Office, P.O. Box 1084, Manila, Butangi sang husto nga selyo. Ang
imo “Rekord sang Estudyante” gradohan kag ibalik sa imo.

Isulat sing maathag ang imo ngalan

Grado

Ang imo eksamin pagagradohan kag ibalik sa imo upod sang
masunod nga tulun-an. Malipay kami kon magsulat ka sa amon.
Mamangkot ka kon may mga butang nga buot mo mahibaloan
samtang nagatuon sini nga kurso. Ipadala ini sa ICI, Philippine
National Office, P.O. Box 1084, Manila.